



Lapha eNingizimu Afrika, usuku lomhla ziyi- 9 ku-
Agasti luyiholide. Lolu wuSuku IwaBesifazane
ezweni lonke.

Le ndaba ixoxa ngomlando walolu suku nokuthi
kungani lusabalulekile nanamhlanje.



ULerato noKhanyisa baya kumtapo wolwazi wangakubo emva kokuphuma kwesikole. Bayokwenza umsebenzi wabo wasekhaya wesikole.

"Wenzani namuhla?" kubuza uKhanyisa.

ULerato uyaphendula, "Kumele ngithole kabanzi ngosuku lwabesifazane. Ngicabanga ukuthi kuzoba ngeminye yemilando engakuniki umdlandla."



"Usho kanje? Mina angiboni kanjalo!" kusho uKhanyisa.

Waqhubeka, "Uthisha wethu wasinika lo msebenzi ngethemu edlule. Nami ngangicabanga ukuthi awukunikezi mdlandla. Kodwa yithi ngikutshele ukuthi ngafundani ngosuku lwabesifazane."

"Ngilalele," kuphendula uLerato.



"Kudala ngeminyaka ye-1950 ngesikhathi lapha eNingizimu Afrika kuqala uhulumeni wobandlululo," kuqala uKhanyisa.

"Uhulumeni wobandlululo wawufuna bonke abantu abansundu bahlale bephethe udompasi ngaso sonke isikhathi. Lo hulumeni owawuzophatha leli zwe wawuvele usuluqalile uhlelo lodompasi. Abantu abansundu babengakwazi ukuzihambela ngokukhululeka."



"Kusukela kudala ngonyaka we-1912, abantu besifazane babevele sebeqalile ukubhikishela uholelo lodompasi lapha eNingizimu Afrika.

Ngonyaka we-1913, iqembu labesifazane, elaliholwa ngu-Charlotte Maxeke, lashisa odompasi phambi kwamahhovisi kamasipala. Balwa namaphoyisa!"



"Kusuka kuhulumeni wababezophatha izwe kuya
kuhulumeni wobandlululo isimo sashintsha saba sibi
kakhulu." kusho uKhanyisa.

"Usungaqhubelela kulokho okwenzeka mhla
ziyisishiyagalolunye ku-Agasti ngonyaka we-1956?" kusho
uLerato ngesikhathi befika kumtapo wolwazi.


"Kumele ubonge ulwazi lwami lomlando!" kusho uKhanyisa.



Lapha kumtapo wolwazi bahlala etafuleni elisekhoneni.
UKhanyisa waqhubeka ehlebeza.

“Ngeminyaka ye-1950, imithetho yobandlululo yenza kube
nzima kakhulu ukuphila kwabantu abansundu.

Impilo yayinzima kakhulu kubantu besifazane. Base beqala
ukubhikisha!” kusho uKhanyisa ekhulumela phezulu.



"Ngonyaka we-1956, abantu besifazane base Ningizimu Afrika bahlela imashi enkulu eyayilwa nemithetho emisha yokuphathwa kodompasi ababenzelwe abesifazane.

Lemashi yayizoba mhla ziysisiyagalolunye ku-Agasti. Abesifazane abansundu nabamhlophe abaphuma ezweni lonke babuthana ePitoli kule mashi eyayilibhekise ezakhiweni zikahulumeni i-*Union Buildings*."



"Kwakuwusuku oluhle! Abesifazane abalinganiselwa ezinkulungwaneni ezingamashumi amabili bahlanganyela kule mashi. Ababeyihola kwaku ngo-Lillian Ngyoi, u-Rahima Moosa no-Bertha Gxowa.

Wonke umuntu wayezimisele futhi emasha ngenhloniph. Babehambise izinkulungwane zamaphethishini kuhulumeni. Lamaphethishini ayephikisana nomthetho wodompasi."



"Manje, kwase kwenzekani emva kwalokho?" kubuza uLerato. "Bama balinda undunankulu. Balinda buthule kwaze kwaphela imizuzu engamashumi amathathu, belindile.

Abesifazane abayizinkulungwane ezingamashumi amabili, yayinamandla leyo mashi! Undunankulu akazange aphume ukuzohlangana nabo," kuphendula uKhanyisa.

"Igwala!" kuhlebeza uLerato



"Abesifazane bavele baqala ukucula," kusho uKhanyisa.

"Ngokuhlangana babe yimbumba, abesifazane babazi
ukuthi izwi labo lizoba namandla kanjalo nokuma kwabo
bethule bengasho lutho," kuchaza uKhanyisa.

"Bacula, 'Wathinta abafazi, wathint' imbokodo, uzakufa!'"
"Uma ushaya owesifazane, ushaya itshe, uzogxobeka!"



"Le mashi yabesifazane ingumbhikisho ongasoze ukhohlakale kumlando wethu. Emva kokubusa kukahulumeni wentando yeningi, usuku lomhla ziysishiyagalolunye ku-Agasti lwamiswa lwaba yiholide, usuku esihlonipha ngalo abantu besifazane siphinde sigubhe nokubaluleka kweqhaza abalibambile emiphakathini.

Kumele sikujabulele ukuthi abesifazane sebenamalungelo amanangi manje kunakuqala," kuphetha uKhanyisa.



ULerato wathi, "Hhayi, kufanele ngabe waphasa
ngamalengiso kulo msebenzi!"

"Yebo, ngakhuthazwa ukwazi ngabesifazane abanangi
abanegalelo elinamandla emlandweni wethu. Isibindi sabo
nalokho abakuzuzayo kuyakhuthaza!" kuphendula
uKhanyisa.

Waqhubeka wathi, "Lerato, mina nawe singaba abesifazane
abafana nalaba ngesikhathi esizayo!"



—Imibuzo

1. Kungani abesifazane babebhikisha ngonyaka we-1956?
2. Babebhikisha kanjani?
3. Ngobani ababehola le mashi?
4. Thola kabanzi ngomunye walaba besifazane?
5. Uyini umsebenzi wabesifazane emphakathini? Uyini umsebenzi wabesilisa? Chaza ukuthi kungani ucabanga kanjalo.
6. Thola mayelana nanoma yibaphi abesifazane abadumile abathathu emhlabeni. Yini ebenza badume?
7. Chaza ukuthi kungani kunamandla ekubeni munye.
8. Yiziphi ezinye zezinselelo abesifazane ababhekana nazo eNingizimu Afrika?



—Izincwadi ezikulolu chungechunge

- USuku IweNkululeko
- USuku IwamaGugu
- USuku IwamaLungelo Abantu
- USuku IokuBuyisana
- USuku IwaBesifazane
- USuku IwaBasebenzi
- USuku IweNtsha



Le ndaba ibhalwe njengenye yensiza zokufunda
zeprojekthi yeZenex Ulwazi Lwethu ngonyaka
wezi-2020.